

PLUS PERTINGKAT PERSEDIAAN MENGURUSKAN PERTAMBAHAN TRAFIK SEHINGGA 2.1 JUTA SEHARI SEMPENA CUTI PERAYAAN DEEPAVALI

Petaling Jaya, 28 Oktober 2024:- PLUS Malaysia Berhad (PLUS) menjangkakan lonjakan trafik akan mencecah sehingga 2.1 juta kenderaan sehari pada Hari-hari Puncak di rangkaian lebuhraya iaitu pada 30 Oktober, 1 November, 2 November dan 3 November 2024 sempena cuti perayaan Deepavali akan datang.

PLUS telah bersiap sedia dan akan memberi tumpuan khusus kepada pengurusan kesesakan, pengagihan trafik dan keselesaan pengguna bagi membantu orang ramai menikmati perjalanan yang lebih lancar, selamat dan selesa di lebuhraya pada musim perayaan Deepavali ini.

Pengaktifan laluan Smart Lane di 21 lokasi kritikal di lebuhraya

Bagi menguruskan kesesakan, PLUS akan mengaktifkan laluan Smart Lane di 21 lokasi tumpuan trafik di lebuhraya bagi tempoh di antara 30 Oktober hingga 4 November 2024 bagi membantu melancarkan pergerakan trafik di lokasi-lokasi kritikal di lebuhraya.

(Sila rujuk Lampiran A untuk lokasi, tarikh dan masa pengaktifan Smart Lane).

Ketika Smart Lane diaktifkan, lorong paling kiri yang sedia ada dibuka sebagai laluan tambahan untuk mengoptimumkan penggunaan semua laluan dan meningkatkan kapasiti lorong bagi mengurangkan kesesakan trafik di laluan kritikal di lebuhraya. Orang ramai boleh mengenal pasti pembukaan serta pengaktifan Smart Lane menerusi papan tanda peringatan serta *Lampu Hijau Berkelip* (Green Flashing Light) di lokasi.

Smart Lane boleh digunakan oleh kenderaan ringan, persendirian atau penumpang. Ia membolehkan pengguna untuk memasuki Lorong Kecemasan untuk sementara waktu sebelum diarahkan untuk masuk semula ke laluan utama lebuhraya bagi meneruskan perjalanan mereka. Walau bagaimanapun, pengguna lebuhraya dilarang sama sekali untuk memandu di lorong kecemasan di lokasi-lokasi lain di mana tiada laluan Smart Lane diaktifkan.

Sementara itu, PLUS akan memastikan tiada penutupan lorong untuk kerja-kerja penyelenggaraan di Lebuhraya PLUS di antara **24 Oktober hingga 4 November 2024** bersempena dengan musim perayaan kali ini. Namun begitu, pengecualian diberikan sekiranya berlaku kemalangan, kerja-kerja kecemasan atau pembaikan kritikal yang berisiko kepada keselamatan pengguna lebuhraya yang perlu diselenggarakan dengan segera.

Pengagihan Trafik melalui jadual perjalanan digital MyPLUS-TTA

PLUS mengeluarkan jadual perjalanan dengan pendekatan digital khusus untuk musim-musim perayaan menerusi MyPLUS-TTA. Sehubungan itu, pengguna lebuhraya disarankan untuk merancang perjalanan lebih awal dan mendapatkan jadual perjalanan secara digital menerusi MyPLUS-TTA di aplikasi PLUS bagi perjalanan di **Lebuhraya PLUS dan di Lebuhraya Pantai Timur 2 (LPT2)** di antara **30 Oktober hingga 4 November 2024** akan datang.

MyPLUS-TTA adalah pendekatan secara digital yang lebih mesra pengguna, di mana pengguna lebuh raya boleh memilih waktu perjalanan yang paling sesuai dengan mereka berdasarkan plaza tol masuk dan plaza tol keluar. Setelah mendaftar, mereka akan mendapat notifikasi berdasarkan destinasi dan tarikh perjalanan yang dipilih serta maklumat trafik terkini terus ke telefon bimbit masing-masing.

Oleh itu, PLUS menasihatkan orang ramai supaya menyusun jadual perjalanan mereka berdasarkan MyPLUS-TTA yang dikeluarkan bukan sahaja bagi perjalanan keluar dari Lembah Klang untuk Balik Kampung tetapi juga bagi perjalanan kembali semula ke Lembah Klang selepas bercuti.

Keselesaian Pengguna

Untuk memberi lebih keselesaan kepada pengguna lebuh raya, PLUS komited untuk terus menaik taraf tandas di R&R, Hentian Sebelah, dan plaza tol. Sepanjang tahun lalu hingga tahun ini, PLUS telah membelanjakan kira-kira RM37.5 juta untuk menaik taraf dan menambah baik kemudahan tandas di 60 lokasi kawasan rehat, hentian sebelah dan plaza tol sepanjang lebuh raya.

Bagi membantu melancarkan lagi pergerakan orang ramai semasa musim perayaan, PLUS akan mengambil beberapa langkah merangkumi persediaan operasi di plaza tol, lebuh raya dan kawasan rehat untuk pergerakan perjalanan yang lebih lancar pada waktu puncak sepanjang tempoh perayaan Deepavali kali ini.

(Sila rujuk Lampiran B untuk persediaan PLUS)

PLUS juga ada menyediakan lebih 90 unit tandas tambahan meliputi tandas mudah alih dan tandas kabin. Kemudahan ini merupakan tambahan kepada tandas sedia ada di kawasan rehat dan hentian sebelah. Orang ramai boleh menggunakan kemudahan tandas tambahan sementara ini yang disediakan di lokasi hentian sebelah serta plaza tol terpilih antaranya di Hentian Sebelah Pedas Linggi (Kedua-dua Arah), Hentian Sebelah Tangkak (Arah Utara), Hentian Sebelah Bukit Gantang (Arah Selatan), Hentian Sebelah Behrang (Kedua-dua Arah), Hentian Sebelah Gua Tempurung (Arah Selatan), Plaza Tol Simpang Pulai, Plaza Tol Changkat Jering serta di beberapa lokasi lain.

PLUS juga memohon kerjasama orang ramai supaya dapat merancang perjalanan mereka dan menggunakan kemudahan awam lain seperti tandas dan surau yang turut disediakan di semua plaza tol sepanjang lebuh raya.

Pada masa yang sama, pengguna lebuh raya juga boleh mendapatkan maklumat trafik terkini menerusi aplikasi PLUS, Pembantu Maya – PUTRI, aplikasi X@plustrafik, papan tanda elektronik (VMS) di lokasi-lokasi terpilih atau menerusi saluran stesen radio utama negara.

Orang ramai juga boleh menghubungi talian **PLUSLine di 1800-88-0000** sekiranya ingin mendapatkan bantuan apabila berlaku kecemasan. Kami juga menasihatkan supaya menggunakan aplikasi PLUS, aplikasi Waze atau *Google Maps* untuk merancang dan mendapatkan pelan perjalanan dengan lebih baik pada musim perayaan kali ini.

-TAMAT-



PERTANYAAN MEDIA:

<p>Iskandar Dzulkifli Ketua Komunikasi Korporat PLUS Malaysia Berhad Telefon Bimbit: 019-271 0280 Emel: iskandar@plus.com.my</p>	<p>Rofina Adam Pengurus Komunikasi Korporat PLUS Malaysia Berhad Telefon Bimbit: 012-657 4452 Emel: rofina@plus.com.my</p>
---	---

Lampiran A

Berikut adalah lokasi pengaktifan Smart Lane di Lebuhraya PLUS di antara 30 Oktober hingga 4 November 2024 sepanjang musim perayaan Deepavali ini.

Wilayah Utara

Bil	Lokasi	Jarak Smart Lane	Tarikh	Masa
1	Sg. Petani hingga Hentian Sebelah Tikam Batu (KM108.0 hingga KM112.4 Arah Selatan)	4.4KM	30/10/2024 – 4/11/2024	10.00 pagi – 10.00 malam
2	Bukit Tambun hingga Plaza Tol Juru (KM150.4 hingga KM146.4 Arah Utara)	4.0KM	30/10/2024 – 4/11/2024	10.00 pagi – 10.00 malam
3	Bandar Cassia hingga Hentian Sebelah Sg. Bakap (KM155.5 hingga 157.2 Arah Selatan)	1.7KM	30/10/2024 – 4/11/2024	10.00 pagi – 10.00 malam

Wilayah Tengah

Bil	Lokasi	Jarak Smart Lane	Tarikh	Masa
1	Gua Tempurung hingga Gopeng (KM303.2 hingga KM297.0 Arah Utara)	6.2KM	30/10/2024 – 3/11/2024	9.00 pagi hingga 7.00 malam
2	Slim River hingga Sungkai (KM367.3 hingga KM354.0 Arah Utara)	13.3KM	31/10/2024 hingga 3/11/2024	8.00 pagi hingga 10.00 malam
3	Sungkai hingga Slim River (KM354.0 hingga KM356.0 Arah Utara)	2.0KM	31/10/2024 hingga 3/11/2024	8.00 pagi hingga 10.00 malam
4	Kawasan Rehat & Rawat Rawang hingga Sg. Buaya (KM439.5 hingga KM435.5 Arah Utara)	4.0KM	30/10/2024 hingga 3/11/2024	9.00 pagi hingga 10.00 malam
5	Hentian Sebelah Rawang hingga Rawang (KM437.1 hingga KM443.3 Arah Selatan)	6.2KM	30/10/2024 hingga 3/11/2024	10.00 pagi hingga 10.00 malam
6		3.8KM		

KENYATAAN MEDIA

	Setia Alam hingga Shah Alam (KM4.3 hingga KM8.1 Arah Utara)		Laluan Smart Lane dibuka setiap hari biasa (waktu puncak)	6.30 pagi hingga 9.30 pagi
7	Susur Keluar Petron, NKVE hingga Subang (KM11.2 hingga KM13.3 Arah Utara)	2.1KM	Laluan Smart Lane dibuka setiap hari biasa (waktu puncak)	6.30 pagi hingga 9.30 pagi

Wilayah Tengah

Bil	Lokasi	Jarak Smart Lane	Tarikh	Masa
8	Nilai hingga Kawasan Rehat & Rawat Seremban (KM280 hingga KM276 Arah Selatan)	4.0KM	30/10/2024 – 3/11/2024	8.00 pagi hingga 10.00 malam
9	Putra Mahkota hingga Southville (KM289.4 hingga KM292.6 Arah Utara)	3.2KM	Laluan Smart Lane dibuka setiap hari biasa Hari Minggu/Musim Perayaan 31/10/2024	6.00 pagi hingga 10.00 malam 9.00 pagi hingga 10.00 malam
10	Restoran Jejantas USJ hingga Seafeld (KM8.2 hingga KM5.4KM Arah Utara)	2.8KM	Laluan Smart Lane dibuka setiap hari biasa Hari Minggu/Musim Perayaan 31/10/2024	6.00 pagi hingga 10.00 malam 9.00 pagi hingga 10.00 malam
11	Bandar Saujana Putra hingga Putra Heights (KM16.3 hingga KM13.2 Arah Utara)	3.1KM	Laluan Smart Lane dibuka setiap hari biasa Hari Minggu/Musim Perayaan 31/10/2024	6.00 pagi hingga 10.00 pagi 4.00 petang hingga 8.00 malam

KENYATAAN MEDIA

12	Susur Masuk dari Lebuhraya MEX ke Lingkaran Putrajaya – Cyberjaya (KM P7.4 hingga KM P7.9 Arah Selatan)	500 Meter	Laluan Smart Lane dibuka setiap hari biasa (waktu puncak)	6.00 pagi hingga 10.00 pagi
----	---	-----------	---	-----------------------------

Wilayah Selatan

Bil	Lokasi	Jarak Smart Lane	Tarikh	Masa
1	Port Dickson hingga Seremban (KM260.0 hingga KM263.1 Arah Utara)	3.1KM	31/10/2024 – 3/11/2024	11.00 pagi hingga 10.00 malam
2	Ayer Keroh hingga Hentian Sebelah Kg. Bemban (KM194.5 hingga KM184.0 Arah Selatan)	10.5KM	30/10/2024 – 3/11/2024	10.00 pagi hingga 6.00 petang
3	Kulai hingga Senai (KM27.0 hingga KM19.0 Arah Selatan)	8KM	Setiap Hari	6.00 pagi hingga 8.00 malam
4	Senai hingga Kulai (KM19.0 hingga KM27.0 Arah Selatan)	8KM	Setiap Hari	6.00 pagi hingga 8.00 malam
5	Dato' Onn hingga Pasir Gudang (KM4.5 hingga 1.9 Arah Selatan)	2.6KM	Setiap Hari	6.00 pagi hingga 8.00 malam
6	Pandan hingga Kempas (KM0.4 hingga KM6.0 Arah Utara hingga	5.4KM	Setiap Hari	6.00 pagi hingga 8.00 malam

LAMPIRAN B

RINGKASAN PERSEDIAAN PLUS BANTU PENGGUNA NIKMATI PERJALANAN SELAMAT DAN LEBIH SELESA PADA MUSIM PERAYAAN DEEPAVALI 2024

Fokus	Pendekatan
Pengurusan Trafik yang efisien	Membuka semua lorong masuk dan keluar di plaza tol
	Tiada penutupan lorong untuk kerja-kerja penyelenggaraan di lebuh raya di antara 24 Oktober hingga 4 November 2024 (kecuali kerja-kerja kecemasan & pengalihan kemalangan serta pembaikan kritikal).
	Mengaktifkan laluan Smart Lane di 21 lokasi terpilih di lebuh raya untuk menambah kapasiti lorong untuk membantu menyuraikan kesesakan dan melancarkan perjalanan trafik (bergantung kepada keperluan & keadaan trafik semasa).
	Menempatkan kren & trak tunda di lokasi-lokasi terpilih bagi mempercepatkan proses pengalihan dan penundaan kenderaan.
Pengagihan Trafik	Daftar MyPLUS-TTA sekarang dan rancang perjalanan menerusi MyPLUS-TTA secara digital di Aplikasi PLUS pada musim perayaan bagi perjalanan di Lebuh raya PLUS dan Lebuh raya Pantai Timur 2 (LPT2) bermula 30 Oktober hingga 4 November 2024.
Keselesaian Pengguna	Lebih 4,000 keseluruhan petugas dalam ekosistem lebuh raya untuk memberi bantuan kepada pengguna lebuh raya.
	Kira-kira 1,500 kakitangan untuk bantu operasi di plaza tol dan lebih 1,000 lorong tol beroperasi.
	Lebih 500 jumlah keseluruhan anggota rondaan PLUSRonda dan LPT2Ronda.
	Lebih 50 petugas di Pusat Pemantauan Trafik (TMC) untuk menguruskan talian PLUSLine (1800-88-0000) dan LPT2 Line (1800-88-0220) untuk menyelaras bantuan.
	Lebih 2,000 kakitangan penyelenggaraan di semua R&R, hentian sebelah dan plaza tol.
	Lebih 90 unit tandas tambahan sementara (tandas mudah alih dan tandas kabin) sebagai tambahan kepada tandas sedia ada di hentian sebelah dan plaza tol terpilih.
	Semua kemudahan awam seperti tandas, surau dan stesen minyak di kawasan rehat dibuka 24 jam sehari.
	Menempatkan anggota-anggota RELA di R&R, hentian sebelah dan plaza tol terpilih untuk pengurusan trafik.



Ahli Kumpulan UEM 

KENYATAAN MEDIA

Komunikasi & Pengurusan Pelanggan	Dapatkan maklumat trafik terkini menerusi Pembantu Maya – PUTRI, aplikasi X@plustrafik, dengan mengikuti aplikasi X@PLUSTrafik, papan tanda elektronik (VMS) di lebuh raya, talian PLUSLine di 1800-88-0000 dan menerusi saluran stesen radio utama negara.
	Mengingatkan pengguna bagi memastikan baki kad Touch 'n Go dan eWallet mencukupi sebelum memulakan perjalanan. Pastikan kad Touch 'n Go anda juga tidak tamat tempoh dan menyemak status kad menerusi portal atau aplikasi Touch 'n Go.